

樂

典

樂典卷第二十

樂義八

樂風章第八

樂之起也律生於風至其成也風從其律出於虛寓於器出於器動乎物是故器不可以失其制也所以效八風之音者也

通曰至治之世天地合以生風天地之風氣合而十二律定矣故樂生於音音生於律律生於風此聲之宗也風者天之使而氣之動也萬物莫不以風成熟風順則歲美風暴則歲惡故天地以示信

焉陽生於子而動乎南故風從斗而南則萬物生
陰生於午而歸于北故風從斗而北則萬物死猶
太極之生兩儀也然天亦有喜怒哀樂之情與人
相副春喜氣故生秋怒氣故殺夏樂氣故養冬哀
氣故藏得水氣則溫得火氣則炎得金氣則涼得
水氣則冽是風之四象也四象交於四維則五行
八正之氣通矣是則八風者八卦之數也其起於
洛書乎十五相連爲四十五分諸蕃日何謂八風
距冬至四十五日條風至應乎艮條風至四十五
日明庶風至應乎震明庶風至四十五日清明風

至應乎巽清明風至四十五日景風至應乎離景
風至四十五日涼風至應乎坤涼風至四十五日
閭闔風至應乎兌閭闔風至四十五日不周風至
應乎乾不周風至四十五日廣莫風至應乎坎樂
之作也以律均聲聲從器出合而奏之也則八風
莫不從律是故廣莫風自正北從黃鐘之律條風
自東北從大呂太簇之律明庶風自正東從夾鐘
之律清明風自東南從姑洗中呂之律景風自正
南從蕤賓之律涼風自西南從林鍾夷則之律閭
闔風自正西從南呂之律不周風自西北從無射

應鍾之律皆八方之氣也樂出於虛而寓於器音出於器而動乎物是謂樂風故音失其制則風律必流而無節其爲樂器不櫛則邪姦聲作而逆氣應之矣故黃帝制律調音八風從之其音熙熙皞皞和且敬也帝顓頊好其音乃令飛龍氏作樂效八風之音命之曰承雲以祀上帝何也合咸池以承雲門而舞之也其後虞幕帥顓頊者也能聽協風以成物樂生及舜以夔爲樂正正六律和五音以通八風而天下服夫豈無所自哉

數度眡十有二律齊量眡十有二聲數有多寡度有

長短齊有輕重量有大小四者審諸心而八音調矣

通曰凡聲生於形形異則聲異惟律述氣以和形

聲故周官典同掌六律六同之和以辨天地四方

陰陽之聲以為樂器陽聲動天陰聲動地天地之

律布在陰辰為六同十二凡聲高聲硯正聲緩下聲

肆波聲散險聲欽遠聲肅微聲歸回聲衍侈聲窄

弁聲鬱薄聲甄厚聲石石聲重而不出正者大宜也直則聲

也高則聲疾於裏藏而不短也短則聲卑而無節

無所動緩而不速下者大短也短則聲卑而無節

也口動則聲大也口波則聲小也口太大地形大則聲

者而有餘微者形太小也形小則聲小而無鴻殺侈者

中央約而上下大也中央約則其聲迫作而不舒
弇者中央寬而上下小也中央寬則其聲鬱勃而
不揚鐘過薄則其聲震掉而不密太厚則
其聲如石而無餘韻凡聲者言鐘聲也凡爲樂
器以十有二律爲之數度以十有二聲爲之齊量
凡和樂亦如之夫聲出於律而形於鐘以律爲數
度如絃絲之多寡管磬之長短是也以鐘爲齊量
如金錫之輕重鞀舞之大小是也律若無與於聲
然損益其齊量則亦必本於律聲若無與於律然
損益其度數則亦必鑒於聲此所以謂之鍾律也
故凡樂必審諸心辨諸器雖調和舊器亦如之蓋
過則太鉅不及則太小過則太清不及則太濁太

鉅則志蕩以蕩聽鉅則耳不容不容則橫塞橫塞則振動大小則志嘯以嘯聽小則耳不充不充則不詹不詹則窕太清則志危以危聽清則耳谿極谿極則不鑒不鑒則竭太濁則志下以下聽濁則耳不收不收則不特不特則怒故太鉅太清太小太濁皆非適也嘯本作嫌當如嘯栗姬之嘯聲足也音澹窕不滿也谿虛也鑒察也不收調散越也不特不何謂適大不出鈎重不過專一也四者皆非適中石小大輕重之衷也故曰黃鐘之官音之本也清濁之衷也衷者適也以適聽適則和矣是故聲律以鐘為主律度量衡於是乎生大小器用於是乎

出夫鐘聲以為耳也耳所不及非聲也猶目所不

及不可以為目也夫目之察度也不過步武尺寸

之間其察色也不過墨丈尋常之間不可為目謂精所不能及

而強之則眩惑也六尺為步半步為武五尺為墨倍墨為丈八尺為尋倍尋為常耳之察

和也在清濁之間其察清濁也不過一人所勝而

大則出鈞重則過石鈞謂均音之木也此奇怪邪

音所由生也景王鑄無射為之大林是已大林鐘之聲以

為無射之覆故大小輕重取適厥衷則本諸黃鐘之官

而十一律出焉計自倍半或三之或四之以終於

十律九寸半之則四寸五分以正度倍之則一尺六寸二分於律寸為一尺八寸正度三之則二

尺四寸三分律寸則二尺七寸正度四之則三尺
二寸四分於律寸爲三尺六寸十之正度爲八尺
一寸律則九尺也不言五之者以其近無射不言
六之者以其近南呂不言七之者以其近蕤賓八
之則近姑洗九之則近非徒取適數度於律管而
太族故終於十爲全律非徒取適數度於律管而
鐘聲之齊量亦如之今有人於此三鑄黃鐘其範
同其銅錫之齊同而出範則聲有不同者故決之
不徒以耳而審之則在於心然則師曠之聽其難
矣乎

夫樂器重者從小輕者從大欲其適衷也是以鐘尚
羽石尚角琴瑟尚宮塤亦如之越以匏竹節以革木
故物得其常而聲應生變則五音和而八風平

通曰萬物盈於天地之間若堅若脆若勁若韌若實若虛若沉若浮莫過於金石土革絲木匏竹而天下之音具矣蓋樂器重者從細輕者從大大不踰宮細不踰羽細大之中則角而已金聲重者也故尚羽絲聲輕者也故尚宮土聲函胡故亦如之石輕於金而重於土絲故尚角匏竹無細大之從故利制而尚議革木無清濁之變故一聲而不易此八音所以直八卦而遂八風也其曰鐘尚羽者非謂鐘止有羽聲也琴瑟尚宮者非謂琴瑟止有宮聲也正以金聲太重恐衆樂爲其所陵故細其

器使其聲輕小絲聲太細恐其掩於衆樂而不可
聽故大其器使其聲重大磬居清濁之中故爲平
調俾有細大不踰之器然後並奏之時與衆樂相
稱耳茲三者其中固自有五聲而聲必中律呂也
用陳祥道禮書子朱子韓文註參夫聲律相協而八音生昔作八
音之樂者七音之外更立一聲謂之應聲隋志音何
哉制器莫難於金石奏樂莫要於鐘磬故黃鐘之
均右行左還以應日則黃鐘之鐘爲圓鐘之羽黃
鐘之磬爲夾則之角聲應于黃鐘金聲而玉振之
左行右還以應斗則大呂之鐘爲姑洗之羽大呂

之磬爲南呂之角聲應于大呂金聲而玉振之蓋
應鐘盡七音而應鐘者退黃鐘者進故黃鐘聲應
黃鐘盡七音而黃鐘者退大呂者進故大呂聲應
自餘皆如之斗日相合氣交風動而聲應相保矣
此五音之所以和八風之所以平也越者孔也竽
笙孔藏於內簫管孔顯諸外按律以孔竹吹竹以
調絲則物得其常而聲應生變皆羽角而已樂有
特鐘特磬有編鐘編磬下管隨金聲而起升歌依
玉振而止編鐘編磬是中間奏者特鐘特磬是首
尾用者故革以節其歌聲木以節其合止衆樂未

作先擊特鐘以發其聲衆樂既闕乃擊特磬以收其韻此祝敔之所以合止也至於中間奏者句以節之則推鼓三而已一爲宮二爲羽三爲角夫金宏於石而石遠於金傳曰鐘之與磬也近之則鐘音充遠之則磬音章惟其充故庭奏與竹聲俱起惟其章故升歌與絲聲俱終是謂絲官而竹羽乃能和平子子曰絲尚宮竹尚羽竹聲大故以至於周禮八音羽聲濟之絲聲細故以宮聲濟之之序也類先金石而後土者陰逆推其所始也天類先木匏而後竹者陽順序其所生也革出於獸絲出於蠶物由人類而成此所以居中也與金石土革

絲木
匏竹

閭闔風從律乎兌其音金也爲鏞爲鐘爲鐃

通曰閭闔者物咸收藏也故其風至則收縣垂琴瑟不張從正西兌方南呂之律秋分之氣也故於八音爲金焉其聲鏗鏗以立橫橫以勁武故聞其音則思武臣也金聲之大而特縣者曰鏞小而編縣者曰鐘黃帝鑄十二鐘以施英韶蓋特鐘也倭氏之和鐘十六周人之笙鐘十九皆編鐘也傳曰黃鐘生一一生萬物故君子鑠金爲鐘四時九乳羽爲物故也鏞則上下七十有二枚焉

枚即乳也
鏞則上下

各四時九乳擊其鼓中兩處凡七十二枚編鐘居其半凡三十六枚惟上面有之使下可擊此編鐘之別也特鑄起黃鐘則南呂角羽聲應于無射而奏

大武應絃賓爲角故又曰撞鐘以知法度鐘聲調

則君道得黃鐘絃賓之律應金奏之起訓者也鐃

如鐘而大銅劑反薄其聲微小周禮之鐃即儀機

鐘而大則與鐘異制矣後世以爲特鑄非也一曰金鐃以和鼓二曰金

鐃以節鼓三曰金鐃以止鼓四曰金鐃以通鼓用

太簇之律以和黃鐘故曰太簇所以金奏贊陽出

滯也鐘師掌金奏以鐘鼓奏九夏詳樂師鼓人

教之鐃師掌金奏之鼓凡祭祀鼓其金奏之樂樂

食賓射亦如之皆用鐘鐃播之鼓磬應之故五音

之鈞有細大商爲大鈞宮爲甚大伶州鳩曰細鈞

有鐘無鐃昭其大也

細細聲謂角徵羽也

大鈞有鐃無鐘太

商鈞也編鐘附宮夾

甚大無鐃鳴其細也

甚大黃鐘宮也去鐃獨有編鐘一虞

十六枚成縣十九

大昭小鳴和之道也和平則久久固則

純純明則終

此與子語

終復則樂

九變復所以成

政也故先王貴之又曰夫音樂之興也而鐘音之

器也器以鐘之小者不窕大者不撝

戶化切

則和於

物物和嘉成故和聲入於耳而蔽於心心億則樂

景王鑄無射而爲之大林其失尚羽之制者與曰

鑄無射而以林鐘之數益之亦猶隋萬寶常倍南
呂作爲黃鐘水尺五代周王朴作黃鐘用夾鐘律
反爲羽解齊景公爲大鐘鐘大縣下其氣不上薄
皆謬也

仲尼譏之魯莊公鑄大鐘而國小鐘大曹劄規之

蓋鐘踰其制必掩中聲不但單穆公之諫景王而

已事見國語畧曰夫鐘聲以爲耳也耳所不後世

或四倍其宮范鎮或十倍之皆以召變可弗慎哉

景王鑄無射大鐘而重鑄之其解不和劉蕡更謂人

胡暖改王朴鐘而重鑄之其解不和劉蕡更謂人

曰此與周景王無射何異上將有眩惑之疾已而

果然數宗時魏漢津十倍黃鐘之律鐘景鐘主西

方金其高九尺號爲帝鼎以統八鼎謂鼎覆即鐘

也識者曰鼎覆爲鐘其金覆宋鼎之兆乎以徽宗

指節爲尺其尺既長而鐘律高亢雖漢津亦自知

之私謂其弟子任宗堯曰樂律高亢北方玄陽水

又溢出國有變而墳土喪沒自
是不久矣其後徽宗果沒於金

涼風從律乎坤其音石也爲球爲磬

通曰涼者寒也陰氣行也其風至則報地德祀四
郊從西南坤方林鍾夷則之律立秋之氣也故於
八音爲石焉其聲硤硤以立辨辨以致死故聞其
音則思守節之臣也石之精華爲玉故鳴球以玉
爲之聲中夷則之律是謂頌磬自黃帝時效鳳鳴
而已然矣白虎通曰磬夷則之成也故登歌懸一鐘一
磬而尚拊圜鐘欽羽則黃鐘之鍾應之夷則欽角
則黃鐘之磬應之是爲應鍾角羽之應聲無射欽

羽圓鐘斂角則林鐘又爲蕤賓角羽之應聲矣中
聲所止而徵生焉宮天也徵地也磬鼓長而狹以
象天股短而厚以象地鼓鳴股應天地之道也蕤
賓應黃鐘角羽隔八生大呂則黃鐘應蕤賓角羽
隔八生林鐘傳曰擊磬者以知民事磬聲調則民
事得林鐘之律應雲門與大夏對待故也歌聲一
倡三歎則羽簫拊搏自相諧應故琴瑟以詠則曼
擊鳴球簫韶九成則擊石拊石商頌曰既和且平
依我磬聲記曰擊玉磬朱子設錫冕而舞大武可
見矣周官磬師掌教擊磬擊編鐘教縵樂燕樂之

鐘磬及祭祀奏縵樂由此言之鐘磬固相爲用也
故曰鐘園中規磬方中矩動聲以鐘爲律和平以
磬爲依特鑄特磬應十二月律惟天子宮懸有之
范鎮製特磬亦四倍律非是編次者十六枚在一處謂之堵黃
鐘宮于北園鐘宮于東函鐘宮于西諸侯軒懸之
所同也大夫判懸始用七律左黃鐘右姑洗皆十
九枚士特懸則黃鐘一虞十九枚耳說者乃謂編
鐘編磬皆十二虞懸二百二十八枚則其細已甚
矣每虞十九枚故總有此數

景風從律乎離其音絲也爲琴爲瑟

通曰景者大也言陽氣長養萬物强大也其風至
則將有位賞有功從正南離方製賓之律夏至之
氣也故於八音為絲焉其聲哀哀以立廉廉以立
志故聞其聲則思節操之臣也四代樂器有大琴
大瑟中琴小瑟相配適均而後與玉磬聲應相保
而成和矣詳大司馬圖說琴之為言禁也所以禁止邪心
也瑟之為言嗇也所以懲忿保嗇以禮自閑焉琴
瑟度數惟紀官角所以依聲聲也琴家謂宮者非
宮角者非角又
五調迭犯特官聲為
多與五聲之正者異雲門黃鐘大呂為大韶之陽
知仁交焉咸池太簇應鍾為大韶之陰禮義交焉

故傳曰鼓琴以知四海琴音調則歲氣百川合德
鬼神之道行祭祀之道得姑洗之律應分而觀之
琴陽也中微分東西爲緯其音婦好以陽求陰故
欲高張瑟陰也君絃分南北爲經其音易良以陰
佐陽故欲下聲琴以左手抑揚右手徘徊而取音
瑟則右手取正聲左手取清聲故相爲經緯焉陽
主生故其情喜陰主殺故其情悲陰陽并毗則寒
暑不成而四時忒矣此泰帝之鼓瑟動陰聲而悲
不能自克舜紵衣而鼓南風之琴則從欲以治之
時也登歌必備琴瑟而後陰陽流通琴瑟必依於

球磬而後百獸率舞苟專其一則氣之動也不能周而物之應者亦不能偕矣是以伯牙鼓琴而六馬仰秣瓠巴鼓瑟而潛魚出聽魚水物而馬火物以類應也陰陽之應各從其類也移宮換羽變入姑洗而知仁禮義合乎四海矣必用七音以爲縵樂也君子常御不離終身者以其大聲不喧譁而流漫小聲不湮滅而不聞足以和人意氣感發善心非若鐘鼓之列於虞懸而難御也其大合樂也必先以管定絃然後循微易柱動與律會而不爽矣周官管磬絃歌必言塤及簫管小師之教亦如

之然儀禮工歌惟言何瑟何荷通用孔門學道亦惟鼓瑟豈非琴約而易喻瑟繁而難調與是故操縵安絃博依安詩大學之教也

清明風從律乎巽其音竹也爲管爲簫爲篴爲篪爲簞爲簫

通曰清明者精芒也精其芒使成實也其風至則出幣帛使諸侯從東南巽方姑洗中呂之律立夏之氣也故於八音爲竹焉其聲濫濫以立會會以畜聚故聞其聲則思和洽之臣也竹音有五管寒統之女媧氏始爲都良管以一天下之音爲班管

以合日月星辰之會帝嚳展管有虞下管則管應
十二月律其來尚矣按律孔竹以一役六還相爲
宮以和五聲併兩而吹之夫婦母子之道也簫左傳
作參差以象鳳翼其上管嘽皆平列也口長者聲
濁短者聲清竅絲連以順歛氣旁午以飛射從右
至左曲調成焉舜之韶箛十六嘽有底而交鳴周
之象箛二十有三嘽無底而善應管者簫之分猶
特鏞磬也簫者管之聚猶編鐘磬也詩曰既備乃
奏簫管備舉庭奏主之春秋傳曰伶簫詠歌及鹿
鳴之三雅頌合之遂七孔橫吹之篳篥之爲言滌也

滌邪氣而納之正也簾六孔左吹之簾之爲言齊也交鳴合埴以齊其不齊者也簾則羽舞所用也形如遂而六孔與管同制或爲三孔以通大少正聲亦惟利制而已若舞象則有象箛合二南鄉樂則有南簾簾遂簾簾皆下管也教之於小師播之於瞽矇掌之於笙師以合升歌焉夫歲氣會同角象也申子辰百川四海羽象也寅申巳亥之類姑洗起于黃鐘之磬而角羽聲應中呂羽爲宮角爲徵清角實生於慢角歌奏相命而韶濩合焉傳曰律主黃鐘聖人承天樂用管吹管者以知律管音調則律

曆正夷則之律應此之謂也

明庶風從律平震其音革也為鼓為鞀為鞀為鼗

通曰明庶者迎衆物而惠生之也其風至則正封

疆修田疇從正東震方夾鐘之律春分之氣也故

於八音為革焉其聲譟譟以立動動以進衆故聞

其聲則思毅勇之臣也自少皞冒革為鼓顓頊以

鼗為倡夏后氏加跗謂之足鼓木承之商人貫以

柱而建之謂之楹鼓為一楹而四柱貫鼓於其端

周人縣而擊之謂之晉鼓一名縣鼓縣於凡冒鼓

必以啓蟄之日而太簇金奏其角羽聲應乎夾鐘

傳曰鼓音調則臣道得太簇之律應正以金氣收

截故鼓動乎震方爾鞀者應鼓也鞀音者朔聲也

儀禮曰左應右朔記曰縣鼓在西應鼓在東朔用

律鞀用中呂律古者二鼓而已後乃植建鼓下管

于四隅皆有左應右朔蓋周制也詳見樂均

播樂器則鼓之將擊晉鼓而朔倡于始鞀應于後

鞀鞀同其制皆小挂于項以兩手拊之左右相應於是簫管備舉與金奏

合焉然大簇之鈞有鐃無鐘傳曰鐃者節度之所

生也是則五聲節於鼓而鼓又節於鐃矣鞀同鼓如

鼓而小特其柄捶之旁耳還自擊木質之為柄而旁結皮為耳還

其面自擊合舞用之掌之者左手播鼓左手擊鼓當堂

上登歌擊拊之時堂下擊鞀鼓鞀以應之

此即會守拊鼓

然後播鼗而舞鐘鼓相應則詠歎之聲下管之奏

與舞交作商頌曰鞀鼓淵淵嚶嚶管聲既和且平

依我磬聲又曰庸

庸庸

鼓有數萬鍾有英此之謂

也金奏之鼓縣而不植合樂鼓鞀則植而不縣以

導舞故爾擊拊本謂磬聲後世別製一拊目為衆

樂之父則誤矣

鄭玄謂拊形如鼓以革為之實之以陳與鄭司農謂石拊石之說大

異

條風從律乎良其音匏也為笙為笙

通曰條者達也以達生也其風至則出輕繁去積

留從東北良方大呂太簇之律立春之氣也故於

八音爲匏焉其音啾啾以立衷衷以和志故聞其

聲則思忠愛之臣也古者曲沃之匏攸陽之篠列

管匏內以竹爲簧施于管端捻而吹之簧震而聲

出越上簫而下管通焉闐闐以往來抑揚以虛滿

植物條達之象也其大者爲箏三十六簧以合頌

瑟包藏離微大瑟三十六絃後減十二爲頌瑟中者爲巢笙二十三管

十九簧四管無聲以合雅瑟雅瑟二十三絃常用十九絃其四絃爲舊

舊者閉而不舉也與當年潘樂義同和笙十七管十三簧四管亦無

聲以合大琴大琴十三絃以瑟猶和笙也笙師掌教吹竽笙以

合塲觥簫管凡祭祀饗射共其鐘笙之樂

鐘笙與簫聲相

應之燕樂亦如之眡瞭則擊笙磬以應之蓋備舞

笙鼓太簇角羽既聲應于夾鐘而笙鐘則南呂角
羽聲應于無射傳曰琴音調則法度得無射之律
應法度謂鐘應笙也故下管則琴先倡而鐘瑟隨
之堂上樂皆受笙均堂下樂皆受磬均小雅言鼓
瑟必曰吹笙即瑟受均於笙之證也商頌言鼗鼓
管聲必曰依磬即管受均於磬之證也鼓鐘之時
特言笙磬同音正以堂上下之樂合而和爾
廣莫風從律乎坎其音土也焉塲爲笙

通曰廣莫者大而滿也以開陽也其風至則開關
梁決刑罰從正北坎方黃鐘之律冬至之氣也故
於八音爲土地埴以成瓦而冲氣出焉其聲濁濁
以立太太以含育故聞其聲則思寬厚之臣也埴
平底六孔水之數也中虛上銳圓如秤錘火土之
形也大者如鴈子聲合黃鐘大呂雅埴與雅埴長尺四寸者同音
小者如雞子聲合太簇夾鐘頌埴與頌埴長尺二寸者同音蓋水
土之氣自下而上黃鐘以宮倡角羽聲應于大呂
爲清角太簇以商和角羽聲應于夾鐘爲流徵其
聲合瓦周官笙師并掌埴瓦而小師教之鞀蒙播

之不言簾者省文也詩以塤簾並言

伯氏吹塤氏吹簾又曰

如塤雖皆質素之音然比諸笙簫絃歌則文從質

生質以函文其黃鐘之統七始者乎

漢明帝幸南陽舊宅召校

官弟子作雅樂奏鹿鳴帝自御塤簾和之以娛嘉賓以質和文周制猶存故竿瑟塤簾

皆用四人奏之而樂成矣缶之為器中虛而善容

外圓而善應中聲之所自出者也帝堯命質為樂

質乃效山林谿谷之音以歌乃以麋鹿置缶而鼓

之故歌必鼓缶古之制也虞周始去之

律典下管不言塤簾

者統於後之為塤者綿以和土不由陶塤其制變

矣

不周風從律乎乾其音木也爲祝爲敵

通曰不周者不交也陰陽未合化也其風至則修
宮室繕邊城從西北乾方無射應鐘之律立冬之
氣也故於八音爲木焉其聲直直以立正正以寡
欲故聞其聲則思修潔之臣也先王作樂合止祝
敵詩作樂記乃以爲控楬何哉蓋祝敵以控楬爲
用控楬以祝敵爲體二者之聲一合一止未嘗不
相待也祝動其空故曰控其方則三八之數焉敵
以楬受故曰楬齟齬則三九之數焉三八陰也三
九陽也樂作爲陽以陰數成之樂止爲陰以陽數

成之周人萬舞先大武後九韶無射角羽聲應乎

應鐘應鐘角羽黃鐘以起調焉祝動則先擊鐘次

擊朔肇而姑洗南呂合矣敬以止之黃鐘畢曲而

九奏具成傳曰祝敬者始終之聲萬物之所生也

陰陽順而復焉樂汁圖微曰乾主立冬陰陽終始

不恨生者不怨宋均註曰祝圉虞書下管鼗鼓合

止祝敬笙鏞以間周官小師掌教鼓鼗祝敬瞽矇

播之皆言墳及簫管絃歌正以堂下間歌用以為

節故也或據明堂位曰拊搏玉磬指擊拊搏指遂

設祝敬於堂上擊以合樂誤矣

書曰八音克諧無相奪倫其必由人聲乎歌以合之
簫以齊之聲律相協而樂成

通曰人聲中和而八音諧猶洛書以五居中而八
卦從也是故金聲春容其失也重石聲溫潤其失
也輕土聲函胡其失也下竹聲清越其失也高絲
聲纖微其失也細革聲隆大其失也洪匏聲叢聚
其失也長木聲無餘其失也短惟人受天地之中
以生其聲冲和與金俱起與石俱終自餘皆諸應
焉直以歌聲合簫聲以簫聲定十六聲黃鐘至夾
鐘清聲
而齊八器則自無奪倫之患矣相奪倫者商大下

則奪宮之倫太高則奪角之倫角太下則奪商之
倫太高則奪徵之倫徵太下則奪角之倫太高則
奪羽之倫羽太下則奪徵之倫太高則奪變宮之
倫器定聲應不相奪倫則移宮換羽特餘事耳周
官大師二人掌之小師四人贊之登歌則大師令
奏擊拊小師從而擊之拊之則瞽乃歌下管則大
師令奏鼓輶小師從而鼓之且擊應鼓焉則管乃
作何則堂上之樂以歌爲主堂下之樂以管爲主
其實相合以成也別而言之有上下之異合而言
之則總名簫韶而已如歌此琴瑟圜鐘爲宮黃鐘

爲羽函鐘爲角蕭管合之則金石以羽角從宮暨
諸器皆迭應其律是謂聲律相協而八音生倫不
相奪而樂成猶官不相侵而政成也伶州鳩曰夫
政象樂樂從和和從平聲以和樂律以平聲金石
以動之絲竹以行之詩以道之歌以詠之匏以宣
之瓦以贊之革木以節之物得其常曰樂極極之
所集曰聲聲應相保曰和細大不踰曰平如是而
鑄之金磨之石繫之絲木越之匏竹節之鼓而行
之以遂八風於是乎氣無滯陰亦無散陽序次風
雨時至嘉生繁祉人民和則物備而樂成故曰樂

正此之謂也

無總條貫金聲而玉振之是謂縵樂闌睢之亂合樂三終是謂燕樂

通曰有虞氏之樂曰縵縵并論八音四會謂八音會合於四縣也周官修而用之合止祝敵則首尾用特鍾特磬及雜比成音還相爲宮中間節奏用編鐘編磬故祭祀則磬師奏縵樂鐘師掌鞀鼓和之其奏也鐘宣而羽起其節也磬止而徵生黃鐘動角羽而蕤賓生大呂蕤賓動角羽而黃鐘生林鐘蕤賓對大夏之類是也角羽並起宮徵相證兩

兩相比以成文有如錦繡焉凡繡樂用七調各依
聲律尊卑爲次降天神則孤竹之管取其大而大
也雲和之琴瑟合之主於宮出地示則孫竹之管
取其二而小也空桑之琴瑟合之主於商假人鬼
則陰竹之管取其幽而晦也龍門之琴瑟合之主
於角革應金石應絲絲應竹竹應匏匏應土而太
簇之鍾又應黃鐘之均焉故曰兼總條貫金聲而
玉振之此天子九德之歌也

魏志調聲之法以均樂器必調以宮爲主

清訓以商爲主平調以角爲主然後錯採衆聲以文飾之如錦繡

若諸侯相見行

饗食之禮在廟賓客與祭祀同樂則升歌笙入閒

歌之後合樂三終旄人帥四方之以舞仕者舞焉
關雎之三上下合作鵲巢之三籥人九終鵲巢采蘋各三章共九變有虞堂上鳴球與堂下笙鏞相聞周人宮
室既廣堂上遠於庭中故編縣與歌應者曰頌鐘
頌磬與笙應者曰笙鐘笙磬此所謂樂不相沿者
與

械樂所以正威儀也愷樂所以揚武德也鞀鞀氏之
樂所以一四夷也伊耆氏之樂所以報田疇也

通曰械樂者何奏改夏也械與同周官笙師掌教吹
竽笙塤箎篪簫篴簫管箙應雅以奏械樂鐘磬與

笙相應鼓以節之儀禮鄉飲酒曰賓出奏陔賓興
樂正命奏陔賓降及階陔作賓出衆賓皆出燕禮
曰凡燕無筭爵無筭樂賓醉北面坐取其薦脯以
降奏陔賓賜脯鐘人於門內雷遂出樂記曰訊疾
以雅舊說以春爲築地牘與應雅爲三竹器鄭司
云
牘以竹大五六寸長七寸短者一二尺其端有兩
孔縣盡以兩手築地應長六尺五寸其中有椎如
柷小春曰應以應大春也雅狀如漆桶而弁口大
二圍長五尺六寸以羊常鞞之有兩紐不知何用
豈應言殊不思此謂春簫之牘如春杵狀以應雅
歌之節耳訊疾謂急其聲與雅應也管急則笙鐘
亦急賓聞之於是遂降以出也

宋祁辯春牘應雅
有名無器大畧如

此愷樂者何軍樂也蓋尚鼓遂焉黃帝命岐伯創
造以揚武德其制角二十有四鉦鐃以象青霓鼓
鞀以象雷霆夜則三鼙以鼓之吹角爲龍吟以應
之鼓以節遂聞者壯勇不用絲竹者以其悲哀感
動歸心也戰勝王師大獻則大司樂令奏愷樂樂
師教愷歌遂倡之鋪師以金奏鼓之以獻于杜及
祖亦惟簫笛鼓鐃而已鞀鞀氏掌四夷之樂與其
聲歌祭祀則吹而歌之燕亦如之南夷之樂曰兜
持羽舞助時養也西夷之樂曰禁持戟舞助時殺
也北夷之樂曰昧持干舞助時戢也東夷之樂曰

離持不舞助時生也合舞之樂陳於堂庭四夷之

樂陳於四門之外右辟明德廣及之也樂元帝曰受命用先

主之樂明有法也與其所自作明有制也與四夷

之樂明德廣及之也或曰納蠻夷之樂自禹始所

以為夏更者大伊耆氏之樂土鼓箎柷黃箏是也

也周人因之杜子春云土鼓以瓦為匡以革為兩面可擊御覽云箎如笛而三孔幽人吹之方氏曰以土為鼓未

有轉律之聲也以箎為柷未有斷木之利也以箎為箎未有截竹之精也示反始復朴之義故田園

錯祭周官伊耆氏以下士為之非古有天下者之

號也特古之本始禮樂者而已箎章掌土鼓陶箎

中春晝擊土鼓吹陶詩以逆暑中秋夜迎寒亦如之凡國祈年于田祖吹陶雅擊土鼓以樂田畯

祭蜡則吹豳頌擊土鼓以息老物蜡者歲十二月

合類萬物而索享之萬物助天成歲事至此為其

老而勞乃祀而息之田夫之老者亦息而就養故

伊耆氏共其杖咸焉老者用杖成以函杖後之言大合樂以

作動物者以一變至六變為天子大蜡之樂則誤

矣豳詩者七月是也試協諸律得黃鍾羽為一終

又得夾鍾角為一終聞羽音知庶類蕃殖先王

之澤在物也聞角音知從事東作二月之時也七

月之詩言遇日陽春故以卯律迎暑言厥發栗烈

故以酉律迎寒迎寒知陽至故言男葦以及其喜

迎暑知陰至故言女事以及其悲蓋卯酉為日月

之門運行則一寒一暑二章音節正相對也若祈

年用豳雅楚茨之類是也祭蜡用豳頌豳之類

是也周以建亥為十二月應鍾為宮

風動於音音正於律或半或倍而天地之氣應矣其德異故其入深其幾微故其化速改器易律則新聲作而樂亡樂亡而禮從之禮亡而政從之政亡而國從之先王禁於未兆故雅樂行而四海治安

通曰音律氣也人亦氣也相關成樂故樂有五元

天也地也四時也人也七始八終而風元生矣音

正於律律既定則半之此音也倍之此音也天地

之氣無不應者

黃鐘九寸倍之則一尺八寸以變半截之則三寸九分試裁管以黃

鐘官合夾則角皆股耳記曰聖人作為鞀鼓控楊

箎此六者德音之音也然後鐘磬竽瑟以和之干

戚旄狄以舞之蓋葦木一聲壘篪一律其德音之
純乎王制天子賜諸侯樂則以祝將之賜伯子男
樂則以鼗將之德音爲樂先也乃若金石繁于編
縣絃匏多其絲管則英華發于質素歌舞合節風
行入物而成和矣故清角則十六清徵則十九正
少則二十四加倍則三十六無非律也後世靡靡
之樂失之太清正律之外有倍四之器又失之太
濁聞之者性情蕩於內手足亂於外其妄制管絃
任意數聲乃至於此昔晏子朝景公弗出杜扁望
洋待于朝晏子曰君奚故不朝對曰君夜發不可

以朝晏子曰何故對曰梁丘據向入歌人虞變齊音晏子退朝命宗祝修禮而拘虞公聞之怒曰何故拘虞晏子曰以新樂淫君公曰諸侯之事百官之政寡人願以請子酒醴之味金石之聲願夫子無與焉夫樂何必攻哉對曰夫樂亡而禮從之禮亡而政從之政亡而國從之今國衰臣懼君之逆政也且政之行必有歌也紂作北里幽厲之聲顧淫以鄙而偕亡君奚輕變夫故哉公曰不幸有社稷之業不擇言而出之請受命矣觀此則凶淫慢過之聲所當禁也

樂典卷第二十

樂典卷第二十一

樂義九

樂歌章第九

凡樂有本有文惟韶大備六府三事本也簫韶九成
文也金石之縣十有六聲諫九歌焉清角以禱之流
徵以載之變羽以叙之三才之道也宮往而必反商
分而實合臣之承君猶地之承天也故曰樂者象也
韶者繼也宮倡商和是謂善本非徒美其聲容也
通曰性情之德樂之本也盡善者也名物度數樂
之文也盡美者也惟韶不可尚已禹曰德惟善政

政在養民水火金木土穀惟修正德利用厚生惟和九功惟叙九叙惟歌戒之用休董之用威勸之以九德俾勿壞韶之本也古樂記有招本夔曰憂擊鳴球搏拊琴瑟以詠祖考來格虞賓在位群后德讓下管鼗鼓合止祝敔笙鏞以間鳥獸蹌蹌簫韶九成鳳凰來儀韶之文也古樂記有招本帝王之世五正設官木正勾芒火正祝融土正后土金正蓐收水正玄冥六府分職司土司木司司草則穀府司器則火府司貨則金府有虞之制也因天施以正民德因地化以利民用因人事以厚民生皆有叙焉六氣調於上五材富於下三事舉於中樂其樂者沐化述

情九功之德皆可歌也此養民善政陳常丰時夏

者與

六府養之常三事教之常也王降而明當國

強兵聲明文物而已教化無聞故三事後世罕言惟晏子曰大民生厚而用利於是正德以幅

之申叔時曰民生厚而德正用利而事節漸失禹

謨之安常者諭之而知美失常者督之而知畏以

昔所歌協之律呂播之聲音用之鄉人邦國以及

閭巷莫不歌之使民樂而不忘思而不貳勤而不

倦則德垂于無窮矣舜之紹堯也禹敷土隨山刊

木而洪水以平益焚山澤以除鳥獸之害於是棄

播穀契敷教垂共工龍納言皋陶明刑伯夷典禮

而六府三事允治禹乃興韶象九功之德帝命夔

典焉堂上之樂以歌為主去鍾徹竿以明至德

傳曰不以鍾鼓竿笙亂人聲若縣一鍾一磬而尚拊則周制也或曼或擊以鳴玉

磬或搏或拊以鼓琴瑟以此而詠人聲為先球瑟

徒之以九為節是九德之歌也

禮氏簡曰是時祭禮初行祖考來格堂下之樂以

管為主鼗鼓導舞每一成必合止祝歌而笙鏞間

作與歌聲合亦以九為節是九韶之舞也管絃相

合以成雖有上下之別合而言之則總名簫韶

簡曰笙鏞間作鳥獸喻然而來至九成而鳳凰來儀舞德格于上下感于神人以暨鳥獸而韶樂

和又感動之是以其應敏速仲尼燕居兩君相見之禮升歌下管夏簫序興次序亦同玉

縣也韶簫十六管金石編縣如之

十二正聲四清聲故十六故

合間成曲奏之以金其律用羽節之以石其律用角而統於琴瑟之宮以簫竽其聲必與玉磬詘然者相應此謂中聲之所止也黃鍾宣養六氣九德故爲九成始終陽紀聲皆角羽並起姑洗全律本慢角也併函鍾而吹之羽緩於角則用其半而益清清角以效天憊故曰雲門象德之升也陰紀聲皆宮徵相應太簇半律本清徵也併黃鍾而吹之徵流於商則用其全而益濁下徵以法地載故曰咸池象澤之降也

荀勗所笛黃鍾合姑洗律爲正宮其聲清林鍾律從宮下度之

作孔下徵為然必變羽為宮起自圓鍾則六府三濁其法非是

事叙於樂者人紀畢矣角大於君則有犯徵大於

君則無嫌扶陽抑陰故也然君荒亡而不反臣驕

亢而不合豈人情哉故宮主角商主徵九變則君

回宮臣合君矣

黃鍾為宮大呂為角清角始終也太簇為徵應鍾為羽流徵始終也

舜以地平天成歸功於禹禹乃傳黃鍾之宮以主

韶而和以太簇君臣揖讓之德三聖相繼之道也

夫歌則神人以和舞則動物以作固不待九而鳳

凰則非九奏不足以致之蓋咸池承雲而為韶則

坤道承天而育物象形而流於聲故能爾與

王氏通曰

化至九變王道其明乎象成莫大於形而流於聲
王化始終所可見也故韶之成也虞氏之思被所
植矣鳥鵲之巢可俯而其既也變嘆美之曰予性
窺也鳳凰何爲而載乎其既也變嘆美之曰予性
知擊拊而已百獸自舞庶尹自諧則非予之所能
知也是必有妙於聲音之間者矣蓋推本舜禹之
德非徒以聲容爲也故曰樂影也德形也韶所以
美善無盡猶形影也故習其音知其數得其志知
其人

祭祀大饗歆然後薦薦然後獻獻則大合樂肅肅如
也雍雍如也一倡三嘆使人繼其聲斯善歌者已故
天有九野地有九州歌有九德舞有九韶擊石拊石

以歌籥舞和以鍾鼓自夔始也

通曰伯夷之典三禮也以祀天神饗人鬼祭地示也故韶樂以降天神假人鬼出地示爲成記曰有虞氏禘黃帝而郊嚳又曰有虞氏之祭也尚用氣血腥爛祭用氣也故祭祀大饗有三始降神謂之歆陳饌謂之薦皆作樂以致之既乃禮之以玉而裸謂之獻升歌介樂而序也周禮註曰天神主北辰辰崑崙皆謬也夫天有統元氣焉事天以烟爲歆神之始以血爲陳饌之始蓋尊而遠之也故以祀禮接焉祀者覩神道也地者統元形焉事地以

埋為歆神之始以血為陳饌之始蓋近而察之也
故以祭禮接焉祭者察物類也人者統元識焉事
宗廟以灌為歆神之始以腥為陳饌之始蓋引而
敬之也故以饗禮接焉饗者懷精氣也灌與天地
至尊不裸裸者獻配帝爾獻則大合樂歌以崇德
舞以象功歌在上而舞在下者上德而下功也人
稟中和之氣有中和之聲故能裁制八音優游中
節故琴瑟四工一倡三歎連四為一以配下管之
一聲周禮註樂師詔來替今卑舞曰勑爾替率爾
衆工奏爾悲誦誦誦雖母忽母凶候夫餘
聲之太哀也蓋蓋匏竹音高而絲音微每為其所

瑟聲繁則悲耳

蓋匏竹音高而絲音微每為其所

掩故歌者長言之也長言之則以律和之聲長而濁者爲宮以漸而清且短者則爲商角徵羽大不抗越幽不細散蕭蕭如也曲折沉浮尋變入節雍雍如也故聲中無字字中有聲如字有喉唇齒舌之異當使輕圓融入聲中令清濁高下如縈縷然轉換之時無少磊砢此謂聲中無字如字本宮聲而曲合用商聲則轉宮爲商而歌之此謂字中有聲故詩樂之分詩以其辭也樂以其聲也樂歌有倡有歎倡者發其韻和者繼其聲詩辭之外疊字散聲歎發其趣故曰展詩會舞應律合節苟句之

長短字之多寡聲之平仄一定而不易則其歌聲

躁急無復平淡是以詩就樂而非以樂就詩矣此

所以為鄭聲也沈氏括曰古樂府皆有聲有辭連屬書之曰賀賀賀何何何之類乃

和聲也吳氏萊曰取詩本無定聲亦無定韻聲取其諧韻取其協平回未始常為平仄固未始常為

仄清固未始不叶為濁濁固未始不叶為清然則古之言詩者辭而言樂則聲也夫鳴球

者象上帝之五聲也堂下笙鏞擊石拊石必效玉

聲而後曲成焉呂覽曰堯命夔擊石拊石以象上帝玉磬之音以致舞百獸指堂上

鳴金石或洪或殺清濁萬殊玉聲清越和平首尾

如一故樂之作也奏之以金以極其變節之以玉

以成其章變者雖殊所以成者未嘗不一成者雖

一而所應之變洪纖高下亦無所不具於至一之

中是故有貴賤焉一上有親疎焉一合有長幼焉

一先後朝廷之禮貴不讓賤所以有尊卑也鄉黨之

禮長不讓幼所以明有年也宗廟之禮親不讓疎

所以明有親也此三者行然後王道得王道得然

後萬物成天下樂用磬也詩云既和且平依我磬

聲其球之謂與韶誅七始本以順天地序四時應

人倫而感召至此何也天有九野中央鈞天其星角亢氐之類是

也三王倚數取象故天有十二時日行其九夏正

建寅平旦為朔寅而朝戌而夕殷正建丑雞鳴為

朔丑而朝酉而夕周正建子夜半為朔子而朝地

中而夕夕則人事遽息有數不行人合天也

有九州

地有十二州代華其三故夏有冀兗青徐揚荆豫梁雍殷有冀豫雍荆揚兗徐幽冀

周有揚荆豫青兗雍幽冀并禹貢州循五行別其分野南呂冀也姑洗兗也黃鍾青也是生慢角無

射徐也大呂揚也中呂荆也是生清角夾鍾豫也

夷則梁也林鍾雍也是生流徵蕤賓爲咸池之宮

主三河太簇主幽應鍾主并合之以反商下徵是故九州之物皆可辨數以歌天蕤地也此謂九辨

九歌舞象之聲律相協絲竹繁會若是其多也合

其分序者而並奏之歌九德以善其本舞九韶以

美其文角羽互應更倡迭和翕如之中而純且皦

繹存焉歌者歌此而已舞者舞此而已法曰上九

商八羽七角六宮五徵九黃鍾用宮逐羽姑洗夷

則如之聲應于三呂皆羽七合角六呂黃鍾之羽南

洗官羽聲應于大呂姑洗之羽大呂一變合夷則
官羽聲應于中呂夷則之羽中呂一變合黃鍾官
羽聲應于南呂皆為清角調姑洗官羽角六變歸
圓鍾官羽角即黃鍾起羽之羽合角之羽函鍾起
羽之角合角之角也夷則歸羽緩於角則官不離
函鍾黃鍾歸應鍾皆如之
散故清角倡流徵而姑洗角之羽變為地官以降
天神所謂若樂六變者也
太簇為徵姑洗為羽太
簇引商刻羽蕤賓無射如之聲應于三鍾皆徵九
合商八函鍾蕤賓之羽一變合蕤賓羽角聲應于
應鍾無射之羽函鍾一變合太簇羽角聲應于函
鍾皆為流徵調太簇官羽角八變歸圓鍾官羽角
即黃鍾起商之羽函鍾起商之角也
蕤賓歸函鍾無射歸應鍾皆如之
徵流於商
商恒和官故流徵和清角而函鍾角之羽變為天

宮以出地示所謂若樂八變者也函鍾為宮太簇

南呂鳴球聲中夷則數始黃鍾為宮五黃鍾至姑

洗姑洗至夷則如之擊拊調起圜鍾數終應鍾為

徵九宮合徵九黃鍾一變合函鍾九變則黃鍾宮

角歸于圜鍾宮羽角即黃鍾起宮之羽合徵之羽

函鍾起宮之角合徵之角也夷則合圜鍾宮羽角

九變各歸于姑洗應宮主角則往而必反商主徵

則分而寔合故起調則羽角從宮為六變黃鍾大呂其

既也夷則宮羽角黃鍾歸焉姑洗歸黃鍾夷則歸

姑洗皆如之是為水木始終黃鍾為宮大呂為角徵商和之

為八變太簇應鍾其既也蕤賓倡夷則徵商無射倡黃

鍾歸焉太簇蕤賓皆如之是為火金始終太簇為

為羽宮之角徵交於地宮商之角羽歸於人宮以饗

人鬼所謂若樂九變者也樂避商聲故商恒伏於

徵而隱於羽象大火西流而成秋令理本於天豈

人所能為哉歌詠五言五行也舞八佾行八風八

卦也禮一獻則樂一成成必上九圖書相經緯者

昭矣圖書五居中八卦從之歌主中聲八音從之

通文正奔甲五即圖之五行也次甲八應八

卦又次甲二十四應爻一暮之氣猶樂律應二十四之變而多夏日至之歌奏生焉英韶始

施於黃帝承雲始舞於顓頊及帝嚳命咸黑歌九
招六列六英惟令人抃而已兩手相擊石拊石諧

會球瑟則聲容合節而樂備是自夔始也致鬼神
示亦理之自然者此伯夷之禮與夔之樂所以並
典者與

氣形於聲謂之變變形於舞謂之成究於九而反乎
一則大樂與天地同和矣

通曰天轉地之元氣自東方而左行水始生木木
生火而土生及金水河圖是也地運天之太極自
西方而右行水始克火火克金而木克及土水洛
書是也聖人則之以調五音行八風音非生不和
風非克不動故大小之稱宮商角徵羽商不爲調文若

去之而始終之序

官徵商羽角

還相為宮實則不廢其

自為宮也左行以應斗其應聲也右行以應日

官各周十二律凡百四十四聲應坤之策官商暨角三類通相倡和

二十九十八聲凡二百一十六聲應乾之策其對待也皆相克

流行也皆相生商角徵宮蓋物生而有其本則不能

以不變故觀樂變者必觀其本山林川澤丘陵墳

衍皆統於土示物所產也去其所惡從其所欲致

和以來之聲類以求之動物皆作而神明至矣何

者天地之氣暢發於中則萬物類動於外故神使

氣氣就形協風而物嘉生也夫雷在地中復而來

發則閉關然氣則已聚矣黃鍾之宮應一陽於冬
日至其樂之統宗乎及陰生於午則天地相遇品
物咸章矣蕤賓所以衡黃鍾者陽遇陰也此所以
唱和者與樂之為用小則各有所主惟郊祀上帝
百神受職則合奏究于九變故曰殷薦之上帝以
配祖考周人郊祀后稷配天配以祖也宗帝祫饗
賓亦如之故曰祖考來格虞賓在位群后德讓三
大禘故禘郊並稱天子享先代之後及諸侯與饗
妣祖考曰饗周人因之祭統云大禘禘升歌清廟
下管象仲尼燕居云兩君相見升歌清廟月朔
下管象由此言之大饗固賓祭之所同也朔望應
鍾角羽起黃鍾應鍾中呂角羽起蕤賓必歌圜鍾

則雷出地奮及商和以角則天下風行矣

國鍾之月為應

鍾角雷始發聲南呂之月為中呂角雷始收聲故九變之樂既祀四望又

奏於宗廟郊望賁祭之所通用也

漢傳穀曰咸池六英所以陳

廟協神人也晉傳玄曰韶夏六變必饗上帝之祀郊後有望則九成矣望于山川則地示可知也蓋

六變八變因禮獻言之耳其實九變也詳見瓜山潘氏綱疎象註中左阼階為羽籥

文舞立四表

第一表南第二表西第三表東第四表北距四步為鄭綴八佾六十四人

右賓階為干戚武舞亦如之合則陰陽交而為一

氣離則剛柔分而成二體黃鍾宮之宮雖不用商

太簇商之宮則必和宮故咸池六英必承雲門而

為九韶召合二至之氣而反于一故曰二陰一陽

成氣二黃鍾二陽一陰成氣三離卦合氣為實

陰為陽九變而淳氣洽矣樂主於合世誤為分漢

人以聲類相避鄭玄曰圓鍾函鍾黃鍾此三者為

相生從數其陽無射上生中呂唐人轉為變數唐

與地宮同類不用云云見莊晚孝孫定凡祀天神圓鍾為宮三變黃鍾為角太簇為

為徵姑洗為羽各一變祭也示函鍾為宮太簇為角姑洗為徵南呂為羽各二變享人鬼黃鍾為

宮三變大呂為角太簇為徵應鍾為羽各二變宋人各為始終國鍾為宮以其均角聲為始終餘倣此

晉人合而復分王肅謂六律六呂五聲八音一時

梁人分而不合梁武帝駁王肅之說謂止以一

後大元人則非之而不信矣大樂屬由復哉於此

益嘆神聽之難也

元吳澄謂大司樂之文不惟不經亦自背戾既曰文之以五聲

播之以八音矣而下文五聲止存其四八音止用其三何也丘濬因論大樂雖至天地成會人消物盡亦不能興者此也

一變羽合角而徵動水火之府也舞人自南徂西為

一成

通曰一變以羽為本而徵應之陰能消陽火得水

而息羽克徵也有角則和矣故坎

黃離震兌

南四仲中正合以季

辰丑戌未

孟

寅卯巳互為羽聲然應

鍾角羽黃鍾應以羽角中呂角羽蕤賓應以羽角

子午水火之府也於是慢角升為清角焉黃鍾

羽倡太簇商徵和則蕤賓生大呂爲角蕤賓角羽
倡夷則商徵和則黃鍾生函鍾爲角而徵皆相應
矣徵羽物也致羽物必以角音而本於羽則及川
澤之示其治洪水刊山木而爲擇所棲之象乎黃
鍾五聲角羽各五節十五鼓舞人從南表側向往
西表樂告一成蓋徵羽之位也周禮郊薦血腥後
王以匏爵酌瓦甒泛齊以獻尸地示如之皆爲朝
踐一獻宗廟則以珪瓚酌雞彝之鬱鬯以獻尸尸
裸乃祭乃啐乃奠爲一獻此人鬼異於神示者歟
二變角合徵而宮動木土之府也舞人自西徂東爲

二成

通曰二變以角爲本而宮應之強能攻弱土得木

而達角克宮也有徵則和矣故歲氣會同

子辰申水氣會

同子以申清丑巳酉金氣會同丑以酉清寅午戌火氣會同寅以戌清卯未亥木氣會同卯以亥清

互爲角聲然黃鍾角羽大呂應以羽角蕤賓角羽

函鍾應以羽角丑未木土之府也於是流徵降爲

下徵焉大呂角羽倡夾鍾商徵和則函鍾生太簇

爲徵函鍾角羽倡南呂商徵和則大呂生夷則爲

徵而宮皆相應矣宮保物也致保物必以徵音而

本於角則及山林之示猶益烈山澤而焚之焉

之害人者消人民於是畢集之象也函鍾五聲角羽各五節十五鼓舞人自西表循中往東表樂告二成蓋宮角之位也周禮大宗伯攝王后之事以匏爵酌醴齊亞獻亦爲朝踐天地同之宗廟則后以璋瓚酌黃彝之鬱鬯以亞獻尸亦祭之啐之奠之皆爲二獻焉

三變商合羽而角動金木之府也舞人自東徂北爲三成

通曰三變以商爲本而角應之堅能制柔木得金而伐商克角也有羽則和矣故商自爲宮復起二

變宮之羽倡而變宮和之角倡而變徵和之然大
呂角羽太簇應以羽角函鍾角羽夷則應以羽角
寅申金木之府也於是羽復合焉太簇角羽倡姑
洗商徵和則黃鍾以南呂爲羽夷則角羽倡無射
商徵和則蕤賓以夾鍾爲羽而角皆相應矣角鱗
物也致鱗物必以羽音而本於商則及丘陵之示
其決百川濬畎澮而潛躍泳游之象乎太簇五聲
角羽各五節十五鼓舞人自東表側向而往北表
樂告三成蓋商角之位也周禮天地皆薦孰王更
以匏爵酌盎齊以獻尸爲饋食之獻宗廟則王親

率牲啓其血毛詔於室乃延太祖尸坐室外西南
面昭東穆西主各在其右乃親射殺牲燎脾腎燔
肝詔神祭主乃升牲首于室北牖下乃薦腥以玉
爵酌泛齊以獻尸始行朝踐皆爲三獻焉

四變徵合宮而商動火金之府也舞人自北廻旋從
南至西爲四成

通曰四變以徵爲本而商應之烈能制剛火得金
而結徵克商也有宮則和矣故太簇自商爲宮則
南呂爲徵夷則自商爲宮則夾鍾爲徵然南呂角
羽無射應以羽角夾鍾角羽姑洗應以羽角卯酉

火金之府也於是宮復合焉南呂角羽倡應鍾商徵和則無射從蕤賓之宮夾鍾角羽倡中呂商徵和則姑洗從黃鍾之宮而商皆相應矣商毛物也致毛物必以宮音而本於徵則及墳衍之示其九山刊旅三壤成賦迎貓虎祭田蜡之象乎南呂五聲角羽各五節十五鼓舞人自北表廻旋從南至西表樂告四成蓋徵商之位也周禮天地皆大宗伯以匏爵酌醴齊爲饋食亞獻宗廟則后薦朝事籩豆獻先王先公以瑤爵酌著尊醴齊爲朝踐亞獻三享畢諸侯爲賓灌用鬱鬯神人皆謂大饗

五變宮合商而羽動水土之府也舞人自西循中而東爲五成

通曰五變以宮爲本而羽應之實能勝虛水得土而遇宮克羽也有商則和矣故南呂合姑洗以從黃鍾夾鍾合無射以從蕤賓皆宮聲也然姑洗角羽中呂應以羽角無射角羽應鍾應以羽角辰戌水土之府也於是商復和焉姑洗角羽倡蕤賓商徵和則中呂合夷則無射角羽倡黃鍾商徵和則應鍾合太簇而羽皆相應矣羽介物也致介物必以商音而本於宮則及土示其水土既平龜書出

洛之象乎姑洗五聲角羽各五節十五鼓舞人從西表循中而復往東表樂告五成蓋宮羽之位也周禮天地配尸既食王更酌朝踐之泛齊以酌尸謂之朝獻宗廟則王從東階而西酌犧象后從西階而東酌罍尊以獻尸迎尸入室拜以安之王又以玉爵酌壺尊盞齊再獻皆爲五獻焉

六變清角倡流徵天氣下降而民德正矣舞人自東徂南爲六成

通曰六變以清角倡流徵羽籥文舞黃鍾之變宮應鍾角羽倡商之變宮大呂商徵和干戚武舞

賓之變宮中呂倡函鍾和亦如之黃鍾角羽倡太簇商徵和則蕤賓角羽倡夷則商徵和又如之巳亥雖水火之府而實天地之門戶也庭奏黃鍾姑洗相應爲宮升歌大呂南呂相應爲角姑洗角之羽羽之角應黃鍾角之羽羽之角是謂用宮逐羽而清角生焉合以流徵併函鍾而歛之慢角益以清矣六變則相應爲宮者圜鍾爲宮相應爲角者黃鍾爲角應鍾羽之徵合之則太簇爲徵姑洗角之羽終之則姑洗爲羽即起調之初也羽以角應角以徵應徵以宮應商隱於羽天氣下降於地官

而四時叙矣此所以致象物而天神降也其天道
既成帝命率育陳常時夏之象乎應鍾五聲角羽
各五節十五鼓舞人自東表至南表樂告六成蓋
角徵之位也周禮天地配尸大宗伯酌饋食之緹
齊以亞醕宗廟則后薦饋食之遵豆乃以瑤爵酌
壺尊緹齊以亞獻皆爲六獻焉

七變宮徵相交五材並用而百穀昌矣舞人自南向
西爲七成

通曰十變以變宮生變徵而大司樂不言者羽七
合角六故也應鍾生蕤賓蕤賓以黃鍾爲變徵則

陰紀交于陽中呂生黃鍾黃鍾以蕤賓爲變徵則

陽紀交于陰宮主角而大呂七變函鍾爲角商主

徵而圓鍾七變南呂爲徵

姑洗角之羽變徵應鍾林鍾角之羽變徵太簇

旋轉入于商八而變亦同焉皇建有極肅乂哲謀

以成聖則用水火金木飲食必時雨暘燠寒及風

莫不時若穀屬果蔬罔有秕且蠹焉者矣

風不時則設秕

果蠹故九歌次八風

其后稷共工用五材以成百穀之象乎

蕤賓五聲角羽各五節十五鼓舞人更從南表北

向西表樂告七成蓋變徵之位也周禮天地則諸

臣爲賓酌沉齊以獻尸尸酢諸臣皆用三酒

酒正職掌

事酒昔宗廟則尸食後王以玉爵酌朝踐者尊之
酒清酒泛齊以醕尸謂之朝獻皆爲七獻焉

八變流徵承清角地氣上齊而民用利矣舞人自西循
中而東爲八成

通曰八變以流徵承清角大呂角羽倡圜鍾商徵
和聲應太簇函鍾角羽倡南呂商徵和聲應夷則
庭奏太簇蕤賓相應爲宮升歌函鍾應鍾相應爲
徵應鍾羽之徵徵之羽應函鍾羽之徵徵之羽是
謂引商刻羽而流徵生焉合以清角併黃鍾而飲
之清徵益以下矣八變則相應爲宮者函鍾爲宮

黃鍾羽之角合之則太簇爲角相應爲徵者姑洗
爲徵函鍾角之羽終之則南呂爲羽即起調之初
也羽以角應角以徵應徵以宮應商隱於羽地氣
上齊于天宮而四時叙矣此所以地示皆出也其
地道既平庶土交正底慎財賦之象乎大呂五聲
角羽各五節十五鼓舞人從西表循中至東表樂
告八成蓋商角之位也周禮天地則分禋日月星
辰司中司命風師雨師宗廟則王設酢席於戶內
后以瑤爵酌壺尊醑齊以再獻尸皆爲八獻焉
九變宮角徵羽各復其初天地訢合而民生厚矣舞

人自東側向而北爲九成

通曰黃鍾之宮五五相守合徵九變則反于黃鍾

之宮故推十合一爲士

成均之教皆稱學士

樂音以十爲章

而必竟於九焉黃鍾九變函鍾八變太簇七變南

呂六變姑洗五變應鍾四變皆至夷則自次第合

聲言之函鍾究於九則圜鍾太簇則無射南呂則

中呂姑洗則黃鍾也蕤賓九變迄中呂四變皆至

太簇亦如之故九變復一小大相成同聲相應惟

角徵爲然角應宮以羽爲角九而復者角之羽羽

之角也商應徵以羽爲徵九而復者羽之徵徵之

羽也

世樂無角徵二音子朱子曰徵宗嘗令人作

鐘為徵聲應成者其來久矣若五聲則各有五古節蔡氏清曰徵招角招各有官商角徵羽是也

洗角之羽羽之角應黃鍾角之羽羽之角始終皆

黃鍾為宮大呂為角

黃鍾角羽六變圓鍾之宮夷則之角八變中呂之商函鍾

之宮無射之角應鍾羽之徵徵之羽應函鍾羽之徵徵之

羽始終皆太簇為徵應鍾為羽

應鍾角羽六變函鍾之徵黃鍾羽之

徵徵之羽八變南呂之羽中呂羽之徵徵之羽宮主角則往而必反商主

徵則分而實合故曰大樂必易此咸池承雲之起

調畢曲者也相繼為天相生為地相合為人人宮

參乎天地則復函三為一矣天地所合三事惟和

陽而信故郊望天神格陰而詘故宗廟人鬼享歌
詩倡歎之後每句三鼓者琴瑟尚宮鍾尚羽石尚
角故也管與鍾俱起歌與磬俱終必先角而後羽
先商而後徵者角羽互應金聲而玉振之故也官
商寃於九而反於一其君臣相說父子相親之象
乎夷則五聲角羽各五節十五鼓舞人自東表側
向至北表樂告九成蓋角羽之位也姑洗南呂應
夷則之角則反于黃鍾之宮矣無射夾鍾應太簇
之角亦反于蕤賓之宮焉周禮天地則柴望秩于
山川宗廟則太祝設饌于廟門外西室索祭于枋

既九獻上嗣舉奠旅酬公卿之長各一人用璧角酌沈齊各行加爵然後賜及燂胞翟闋大師告于樂師曰正歌備樂師卒管告樂備而退

其合也必協天地之位故鷄火昏中以養老旦中以饗帝此天子所以達神明之德廣孝弟之化也

通曰日行一日一周天月與五星則有遲速春秋二分日行與赤道相值出沒當地之卯酉故晝夜平春分以後日行赤道北將近季春則日在酉正當天地之中秋分以後日行赤道南將近季秋則日在卯亦當天地之中夫東西南北在地之位一

定不易而在天之象運轉不停惟天之鵠火加于

地之午位則天與地合此時大合樂以聲召天心

之中氣則樂和矣

公樂謂燕文武舞于羽于兩階三代因之

昏中以養

老者何也大合樂主於玉衡杓建而斗柄又主於

卯辰故季春之月律中姑洗是月之末擇吉日大

合樂天子乃帥三公九卿諸侯大夫親往視之

樂說

日三公九卿二十七大夫而八十一元士承之應黃鍾律吹舍少故以人合天凡大合樂

必遂養老於太學大昕鼓徵衆衆至然後天子至

命有司祭先師先聖卒事反命適東序釋奠於先

老乃設三老五更群老之位遂發詠以樂納之天

子袒而割牲以饗之執醬而饋執爵而酌以食之
然後行燕禮登歌清廟既歌而旅旅而語父子君
臣長幼之道天子且乞言焉下管象武天子冕而
總干既勺合燕樂坐而飲酒無箏瑟爵無箏樂樂闋
命諸侯群吏及養老幼於東序所以教天下之人
弟也合樂以燕時則昏矣斗柄卯辰與地之卯辰
合而鶉火正中於南攝提得方生意方盛是以行
養老之禮取生氣之仁也旦中以饗帝者何也鶉
火旦中於正南則日出卯與斗柄相合在夏小正
謂之辰繫于日正質明行事時也季秋之月律中

無射六饗帝于明堂嚴父以配上帝四海之內各
以其職來助祭牲幣及玉各如上下四方之色先
王牲用白牡王服大裘而冕牲全蒸以腥九獻冕
而總干以樂皇尸諸侯旅見賓至揖讓入門入門
而縣與金奏肆夏享以大牢食以三食九舉乃獻
賓揖讓而升堂升堂而樂闋乃樂賓升歌清廟下
管象武夏籥序興終送賓歌雍以徹禮畢振羽送
之金奏肆夏是則大武之奏在且中先饗帝後饗
賓皆用之迎天心中氣以及於人也祭於明堂以
教天下之人孝而廣推其敬以禮賓所以取生氣

之仁合其義也六樂備於韶武因時合之以氣則
秋入于春以聲則商入于角以容則萬翕于籥此
天子所以建中和之極達神明之德而廣孝弟之
化者與

禮有隆殺樂有分合而歌舞因之埽郊則備

通曰古之達禮三曰祀曰祭曰饗皆以爲用而其
體則天地人也所謂吉凶軍賓嘉皆主此三者以
成禮古之達樂三曰風曰雅曰頌皆以爲經而其
緯則賦比興也所謂宮商角徵羽皆主此三者以
成樂禮樂固相須爲用也周官大師教六詩以六

德為之本

中和抵庸孝友

以六律為之音

人聲入律曰音

凡國之

瞽矇正焉小師副之瞽矇掌九德六詩之歌以後

大師播鼗祝敔塤簫管絃歌詠矇相之登歌擊拊

瑟琴鳴球搏拊琴瑟

不用笙鍾獨諦夫人聲焉故曰清廟之

瑟朱絃疏越一倡而三歎有遺音者矣及下管播

樂器大師令奏鼓輦則小師擊應鼓吹者皆作詆

聒播鼗擊笙磬頌磬舞者皆入

笙歌皆有磬即擊石拊石以應球也

磬師掌教擊磬者以合編鍾鍾師掌金奏者偕鐸

師擊鏞奏鼓以鐸節之笙師掌教吹竽笙塤簫篳

篥遂管又與磬終焉則依上下而通奏間合而曲

成矣大祀大祭大饗禮至隆也合六樂各有舞表
皆八佾爲六列施英韶而舞之鼓徵學士致諸子
合三百八十四人蓋天子方望之事無所不通故
以玉作六器以禮天地四方而樂亦合天地四方
之聲周官祀天旅上帝祭地旅四望禘祖清角交
旅群廟謂之祀大神祭大示饗大鬼應則韶濩合雲門流徵交應則夏武合咸池櫛樂
歌夾鍾奏以無射三禮義宗朱干設錫冕而舞大武統
雲咸韶濩皮弁素積楊而舞大夏合爲大夏以用萬也大司
樂掌之以教國子而設官以分其事大胥之正位
者正此也小胥之巡列者巡此也籥師之舞羽者

舞此也司干之授器者授此也歌雖異而歸則同

矣禮殺樂分則樂師教國子小舞有敔舞有羽舞有皇舞有旄舞有舞有干舞蓋文舞大則用羽箭小則有羽箭無箭武舞大則有干戈小則有干無戈除敔此君

小祀四方百物蜡及祈穀服玄冕一章達于士其

禮一獻孰其牲色厘其牲體鬯辜其裸器用散其

舞兵舞帔舞其樂五變祀日月星辰則實柴祀司

中司命風師雨師則槁燎玉用圭璧其舞羽舞祀

靈星則旄舞皆鼓以雷鼓其樂六變大合樂在社七變之後社

稷五祀服絺冕三章達于卿大夫其禮三獻燔其

牲色黝牛角握其祭血裸以大罍其舞帔舞諸侯

三望山川兆位各因其方服彝冕五章達于子男
其禮五獻血其牲各因其方之色牛角尺牒則用
蜃玉則兩圭五寸有邸與璋邸射其舞兵舞皆鼓
以靈鼓其樂八變享先公服幣冕七章達于侯伯
其禮七獻上公九獻樂舞如三望之數若卿射飲
酒燕禮舞勺或以人舞三成而樂闋皆小成也周
人禘嘗而郊稷大合禘則群廟之主合于太祖大
報天而主日配以月則地示群望山川皆合于南
郊而太祖配焉地順承天而父天母地故備大成
之樂

唐賈魯曰禮不王不禘虞書舜格于文祖肆
類于上帝禋于六宗望秩于山川禘于群神

此則受命而行禘禮者也言格于文祖則餘廟皆
享可知矣言類于上帝則地示之合可知矣且山
川皆屬于此則禘郊尚備况地示乎周官大合樂以
致神鬼示此則禘郊合祭之樂也今按鄭玄言郊
祭故曾因之若主分樂則郊通四望地竅山川皆
遺之矣夫豈知禮者哉宋陳襄曰夫祀必多日至
之始也故宮用夾鍾于震之宮以其陽氣來復于上
曰圓鍾取其形以象天三之一之變合陽奇之數也
祭必以夏日至者以其陰氣潛萌于下地之始也
故宮用林鍾于坤之官以其萬物致養乎坤也而
曰函鍾取其容以象地四二之變合陰偶之數也
故大宗伯以禋祀實柴槁燎祀其在天者而以蒼
璧禮之以血祭沈醴醢醢其在地者而以黃琮
禮之皆所以順陰陽辨時位倣形色而以氣類求
之此二禮不同且先言大合樂而後分序則合祀天
與蒼璧不同且先言大合樂而後分序則合祀天
地為然則曷為九德之歌曰大師役人惟敎六詩
是

替矇後於人隨所教即九歌耳咸黑招頌五帝之

遺聲也

幽頌臣工意常豐年載艾良相

其合七月與

后稷風化源子譽世

周公蓋述之商人豈合以烈祖諸篇與

郊則昊天有成命合生民矣

帝則維清

奏象舞合文王有聲為九成燕武舞

維清

酌桓奏

合下武則六成也

非天子不官縣不備九夏不以頌合大雅不以夷合

南籥不以樂儀出入不以玉磬升歌不以雍撤燕樂

下達升歌三終笙入三終間歌三終合樂三終

通曰天子宫縣特鏞特磬各十二隨月律而列也

諸侯以下則編鐘編磬而已凡祭祀祗矇掌大師

之縣鐸師鼓以晉鼓饗食賓射亦如之鍾師掌金
奏凡樂事以鐘鼓奏九夏王出入奏王夏尸出入
奏肆夏牲出入奏昭夏四方賓來奏納夏臣有功
奏章夏夫人祭奏齊夏族人侍奏族夏客醉而出
奏陔夏公出入奏醵夏皆頌也先擊鐘次擊鼓以
四金節奏而合磬以終之傳曰金奏肆夏之三天
子所以享元侯也歌詩尊卑各別若天子享元侯
升歌肆夏頌合大雅享五等諸侯升歌大雅合小
雅享臣子歌小雅合鄉樂若兩元侯自相享與天
子享已同五等諸侯自相享亦與天子享已同諸

侯享臣子亦與天子享臣子同王夏者天子所用

今考王夏隨時而用廟天作郊昊天有成命明堂我將其餘八夏諸侯皆得

用之肆夏時邁也昭夏執競也納夏思文也周禮謂之

肆昭納魯語謂之繁遇樂其陔夏振鷺也鄉大夫亦得用之鄉

飲酒客醉而出奏焉大饗賓出以振羽樂歌之大者稱夏

非有聲無辭也韋夏驚夏疑烈文載見有客之類大雅合頌惟天

子用之以歌六樂合舞者舞先王之樂明有法也

舞已之樂明有制也舞四夷之樂大德廣及之也

記曰胥鼓南以二南箴舞合奏之化自中國也明堂

位曰昧東夷之樂任南蠻之樂魯雖合夷樂不及西北也樂師教樂儀行以肆

夏趨以采齋車亦如之出入必金奏肆夏之三爾
雅曰堂上謂之行門外謂之趨王出既服至堂而
肆夏作其初奏黃鍾也賓至而趨出路門而采齋
作其終奏蕤賓也非惟接賓行車亦然祭祀朝會
師田封建之時王在五路則大馭司步趨之節顧
車之行聞肆夏則知由吾於堂上登車於大寢顧西階之前
車之趨聞采齋則知由吾於門外反入至應門路
門亦如之反降於阼階之前此即肆夏之三繁過渠為思文終奏以蕤賓豈始緩終促如采玉色為
聲之狀故以名其音節邪采齋或別曲名玉色為
磬堂上內也金聲為鍾堂下外也升歌必擊玉磬

傳曰六律者何黃鍾蕤賓太簇夷則姑洗無射也故天子左五鍾右五鍾將出則撞黃鍾右五鍾皆應馬鳴中律步者皆有容駕者皆有文御者皆有數步者中規折還中矩立則磬折拱則抱鼓然後大師奏登車告出也入則撞蕤賓左五鍾皆應以治容貌容貌得則氣得氣得則肌膚安肌膚安則色齊矣蕤賓有聲狗吠玃鳴及倮介之蟲莫不延頸以聽其終在內者皆玉色在外者皆金聲然後少師奏登堂就席告入也此言音樂相和物動相感同聲相應之義也古者帝王升歌清廟大琴

練絃達越大琴朱絃達越以韋爲鼓謂之搏拊周
何也以也君子貴人聲不以鐘鼓等瑟之聲亂焉
清廟升歌者歌先人之功烈德澤也故其歌曰於
穆清廟於者嘆之也欲在位者徧聞之也故周公
升歌文王之功烈德澤苟在廟中嘗見文王者愀
然如復見文王書曰搏拊琴瑟以詠祖考來假此
之謂也下管合雅左傳伶蕭詠歌及鹿鳴之三笙師
共其笙鐘之樂競氣繁聲合變赴節大小雅詞皆繁而宮
倡商和必始水調故羽角從宮者合金石也惟紀
宮角者鼓瑟吹笙依玉磬以爲節也水潤萬物羽

生角以象之故宮商感人君臣睦而父子親羽角

感人聲漫乎金石潤乎草木傳曰潤德者變及物

理之所自出也未變者周之頌也周頌或不用韻

若大小雅則鼓氣極宮羽之變祭祀樂成有司徹器樂師帥學士

而歌雍小師擊拊大饗亦如之肅穆主歌學士主

雅燕之用樂與享同下達于鄉人升歌鹿鳴四牡

皇皇者華笙入奏南陔白華華黍間歌魚麗笙由

庚歌南有嘉魚笙崇丘歌南山有臺笙由儀合鄉

樂以爲亂關雎葛覃卷耳鵲巢采芣采蘋各三終

詳見詩樂饗於廟燕於寢皆用鐘磬以奏燕樂其所合

即房中之樂也

關雎之亂即房中之樂故燕樂亦奏於廟漢安世歌效此

夫天地之氣自北而南爲治世之音去舜之世若此其遠也而聞韶則知其德其均節存也倚數取象而絃歌之上以動天下以察地中以知人聲音之道大矣哉

通曰天地之氣自北而南則治自南而北則亂韶樂黃鍾爲宮大呂爲角太簇爲徵應鍾爲羽其均節皆自北而南也故姑洗南呂以南爲歌南風黃鍾起之而始終焉其太極元氣乎調羽以角姑洗南呂六變圓鍾之羽夷則之角聲應于黃鍾天之憐也八變中呂之羽無射之角聲應于太簇

而必交於地焉象星辰之降爲岳瀆也調角以徵

姑洗南呂六變圓鍾之後無射之角圓鍾之角函鍾之徵八變中呂之徵黃鍾之角中呂之角南呂

之徵地之載也而必交於天焉象山川之升爲雲雨

也調徵以羽姑洗南呂六變黃鍾之羽南呂之徵

太簇之徵中呂之徵黃鍾之羽人之序也而六府三事九功成焉

人與天地參矣起以東北復于西南其乾坤之象

乎應鍾復於函鍾黃鍾復於夷則大呂此其數可復於南呂太簇復於無射如乾於坤

稽也其象可見也季札聞於魯仲尼聞於齊所以

曠百世而相感也虞舜不可及已苟倚數取象而

有述則吾之心聲形焉者三才備矣天以四氣中

正而分陰分陽故倡自黃鍾而協黃宮於清角所

以動天也黃鍾南呂蕤賓夾鍾子午卯酉四正之律也迭相宮羽而土角所應樂雍和用

黃鍾均之南呂羽肅和用蕤賓均之夾鍾羽豫和

用夾鍾宮太和用黃鍾宮承和用南呂宮皆用四

正起羽角地以四維交際而迭用柔剛故和以太

最爲近古也簇而雜商羽以流徵所以察地也黃鍾均之南呂太簇爲宮合之

爲徵南呂均之蕤賓應鍾爲宮合之爲徵蕤賓均

之夾鍾夾則合之夾鍾均之黃鍾中呂合之此合

六樂之法寅亥申巳之律四維交之也宋玉所謂吟清商追流徵者蓋如此人道以官

商爲君臣父子合商於角以象仁義而始終乎官

焉所以知人也琴有少宮少商二絃正以宮倡商和聲應相保耳子朱子曰第一二絃以黃爲宮太爲商則第六七絃即黃鍾太簇之清蓋只用兩清聲故也君太則尊臣少則卑少商

應大官臣仰以動天俯以察地中以知人絃歌之
子順君父以動天俯以察地中以知人絃歌之
道大矣君子可弗考乎何謂動天昔者鄭師文從
師襄游挂指鉤絃三年不成章師襄曰子可以歸
矣師文舍其琴歎曰文非絃之不能鉤非章之不
能成文所存者不在絃所志者不在聲內不得於
心外不應於器故不敢發手而動絃且小假之以
觀其後無幾何復見師襄師襄曰子之琴何如師
文曰得之矣請嘗試之於是扣商絃以召南昌涼
風忽至扣角絃以激夾鍾溫風徐迴扣羽絃以召
黃鍾霜雪交下扣徵絃以激蕤賓陽光熾烈堅水

立散將終命官而揔四絃則景風翔慶雲浮甘露
降師襄乃撫心高蹈曰微矣子之彈也雖師曠之
清角鄒衍之吹律無以加之師文之指顧取象動
四氣之和以著萬物之理此之謂動天也何謂察
地昔者齊景公新成栢寢之室使師開鼓琴師開
左撫宮右彈商曰室夕公問曰何以知之師開對
曰東方之聲薄西方之聲揚公召大匠問曰室何
爲夕大匠曰立室以宮矩爲之於是召司空問曰
立宮何爲夕司空曰立宮以城矩爲之明日晏子
朝公曰先君太公立城何爲夕對曰古之立國者

南望南斗北戴樞星彼安有夕哉然而以今之

者周之建國國之西方以尊周也

夕側也如日之側也樞北斗星

也

公蹇然曰古之臣乎師開之言於晏子若符節

焉以商和官而知方維此之謂察地也何謂知人

昔者孔子學鼓琴於師襄而不進

師襄一作師襄師堂子京

曰夫子可以進矣孔子曰丘已習其曲矣未得其

數也有間曰夫子可以進矣曰丘已習其數矣未

得其志也有間復曰夫子可以進矣曰丘已習其

志矣未得其人也有間復曰夫子可以進矣曰丘

已得其人矣未得其類也有間曰穆然深思怡然

高望而遠志得其類矣默然而黑頎然而長眼如
望羊將奄有四方其惟文王乎師襄避席再拜曰
善師以爲文王之操也傳曰聞其樂而達其本者
聖也文王之德小心敬止而形於聲孔子以琴音
尚宮而知其宜君此之謂知人也唐安浚善琴且知音協收問能
爲文王操乎浚即以黃鍾爲宮而奏之以少商應
大絃猶康琴賦有廣陵止息東武太山飛龍鹿鳴
賦節自絃言名廣陵散得之鬼神其法緩其商
絃與宮同音明司馬氏之強將纂其君也正與文
王操相反三才合一之道昭於聲音者如此是故參伍
錯綜無往不合者數也效氣類物無微不著者象
也君子學道象數存焉率舞百獸之功絃歌一邑

之化夫豈託諸空言者哉

古之為樂也本於詩今之為詩也沿乎樂夔之典教不可復已故禮慝而樂淫

通曰陰陽之氣畜積而舒布民物之俗優游而康

樂由是天地自然之音出諸口而成歌天地自然

之節動諸手足而成舞自葛天撻牛葛天氏之樂三人撻一牛

尾投足以歌八闋一載民二玄鳥三遂草木四奮

五發五敬天常六建帝功七依地德八愬方外之

極祝融聽鳥祝融氏聽弁州之鳴鳥以為樂庖犧

駕辯伏羲氏有罔罟之神農扶犁之神農氏作七絃

宮主政為文少商主事為武作扶犁之樂豐年之求塗山歌於候人始為南

音

周公召公取風焉

有娥謠于飛燕始爲北音

玄鳥夏甲所自

歎於東陽東音以發

破斧

殷整思于西河西音以

興

秦穆公取風焉

遐邈之風存至荒雜先王恥其亂也省

風獻詩以作樂則樂爲詩而作者也書曰詩言志

歌永言聲依永律和聲八音克諧無相奪倫神人

以和樂之始終本末見於此矣蓋治世之民沐浴

膏澤在心爲志發言爲詩足以暢和氣驗政化於

是采而播諸樂焉夫其有詩也則必有聲音倡歎

以歌之歌聲之發誦讀急疾則其辭短促必每字

延引遲久使之悠長故歌所以求詩之言也夫其

有歌也則必有清濁高下以節之所歌之辭始終一腔則雖悠長亦不足聽必憑依五聲而抑揚中節錯雜成文故聲所以依歌之求也律呂者清濁高下之度以管之長短定之長者濁而下短者清而高一准於律則不至差以毫釐矣故律所以和樂之聲也歌依五聲則字有其節而可以協諸律呂律呂既協則聲有其度而可以播之八音器與聲諧每律之宮各有商角徵羽而不相亂則豈有奪倫之患哉夫樂本於和順者也和平積則英華發故八音者德之華也歌者德之言也舞者德之容也聽

其音可以知其德察其詩可以達其意論其數可以正其容薦之郊廟足以達神明用之朝廷足以序上下立之學官足以協萬民神人其和矣乎天八音以飾歌千羽以飾舞周人立教十有三年學樂誦詩舞勺勺告成大武也武舞其顯在事而易習故始學樂則教之成童舞象維清合大雅也文舞其微在理而難知故十五而後教之二十而冠始學禮舞大夏文武之中也兩階千羽合韶用萬而九獻行焉其用大矣非象簡南籥所及故弱冠而後舞之誦以肄其辭絃以比其音鼓以合其節

舞以形其變觀聽以爲其事講習以明其理淪肌
浹髓而莫能名也心乎性復而不自知也故曰興
於詩立於禮成於樂學之序也孔子誦詩三百皆
絃歌之以合韶武之音自衛反魯然後樂正雅頌
各得其所關雎之亂以爲風始合樂三終鹿鳴爲小雅
始齊雅三終文王爲大雅始文王大明三終天子清
廟爲頌始升歌清廟下管象武先所歌也後世辨音以合四
一上勾尺工凡六五爲譜調絲則絲有其字吹竹
則竹有其音據楚詞四上競氣極聲變推之則大
呂清角也然則合一其黃鐘慢角歟蓋其來遠矣

熊氏朋來曰此十者知字韻之母且宮調不同而黃鍾常為合餘律亦有常者隨五聲二變所及無不該通亦以諸調同一宮也瑟之清絃至應鍾清而止則雙彈者清濁相和高而不亢以一手取絃不使與正律相混雜

此所以為雅樂也 燕樂升歌者皆黃鍾宮合樂

者皆無射商黃鍾起調則黃鍾畢曲五聲依詠是

曰博依所以安詩者也如宮聲最大則疾呼全出

自喉雄壯而沉重合字即重徵聲漸清則徐呼詘轉至

舌激裊而悠揚尺字即速商之敏而剛四字出齒羽之柳而

悲工字角之經而平一字皆先呼而後詘之樂府

曰善歌者先調其氣網罟自勝間出至喉乃噫其詞即如抗如除累累貫珠若聲無抑揚謂之念曲

當夫合樂下管偏疾不待琴瑟必也抽引縣連抑

揚頓挫而管亦發揚一聲出入九息則上下皆受

均於金石而轉運悉中律矣箏舞笙鼓復與擊拊

相應此聲容所以盡美也古人度曲就其章首一言隨以何律譜之初不

謂此詞屬某均某律不可以他律易也如鹿鳴用黃鍾清六起調畢曲謂之黃鍾則四杜以下至南

山有臺皆可為黃鍾其間曲折不必悉比鹿鳴也子朱子曰大凡壓入音律只以首尾二字如章首

一字是某調章尾即以其調終之如開關關字合作無射調結尾亦作無射聲應之如七月流火三

章皆七字起足清聲調末亦以清聲調之如五月斯茲動股二之日鑿米冲冲五字二字皆是濁聲

黃鍾末亦以濁聲應之此處須知古樂有唱有嘆倡者發歌句也和者繼其聲也今按宋志樂歌有

何吾幾今吾等語即所謂疊字散聲以嘆發其起也若九歌以疊年合七月則疊字皆字首尾為黃

鍾宮七月首尾為無後世作詩別為樂府先定其射商其實一黃鍾也

腔後填以詞則是求依聲聲和律矣故其詞鄙倍

其聲急促

漢樂府絲竹更相和有但歌曲清平瑟

求風之類多楚詞體也自是雖有五言與三百篇

遠矣魏晉多為五言如明妃曲之類間有七言如

隴上壯士之類若但風騷起蓋山陵之歌則七言

絕句也唐多用七言律如龍池樂章王維渭城絕

句亦有散聲謂之陽關三疊或更作長短句如調

笑令菩薩蠻六么河傳等曲至宋益盛西江月點

絳唇等詩餘皆可絃歌金元又變為北曲如正宮

端正好好商調集賢賓南呂一枝花黃鐘醉花陰中

呂粉蝶兒之類依腔填調一定不易以便快口唱

過亦有曲名雖與宋同而實異者教坊歌之其譜

合四等字與雅樂同歌於燕會無上下之序則其

禮應發於思欲蕩男女之情則其樂淫且起調畢

曲不用古法而音義氣理亦召咎徵

俗樂二十八調唐人用為

大曲有散序排遍入破殺袞等套數始成一曲就
木宮調製引序慢令蓋度曲常態也入破以曲終
繁聲得名有北亂之說江南李煜有念家山破尤
非美也其歸宿一聲謂之殺如伊州以凡字殺側
商則借尺字殺是也元樂尾聲多以殺名如賺煞
十煞之類多至百餘聲至正末賊將殺戮無禁且
興隆笙用九十管果符歷年程
子謂音義氣理相通者此也甚矣古歌之難復
也聲淡則聽者心平詞善則誦者心慕甚矣古歌
之難復也

樂節則禮禮和則樂樂節則禮是以容得其正焉禮
和則樂是以心得其平焉斯須不違正樂則夷鄭之
音無自入也以此修德學道音正而行正矣設明堂
辟雍以示之揚千羽昭雅頌以風之諸侯夷貊心充

至德歆訢以歸此禮樂之教所以大行於天下也

通曰禮樂非二物也人見夫樂由陽來禮由陰作則二視之而不知陰陽一氣也陰氣流行則陽陽氣凝聚則陰禮之和即爲樂樂之節即爲禮二者之本一而已矣夫天子者天下視儀而動聽倡而應者也食則以樂侑之言則以律歌之在燕寢則聽雅頌之音在朝廷則道知仁聖義之序六樂有聲音之節與其和而樂師又以樂儀爲教步趨則中規矩而玉鐸鳴升車則鳴和鸞而清節奏夫珮環以玉玉者陽精之所生

玉珮寸度莫考惟記孔子象環五寸

禮記

和以金金者陰精之所成

言以體言和以用

陽主

仁環佩在身之節也內也陰主義鸞和在車之節

也外也內存心以仁外制事以義凡身之動無非

禮樂也事神三禮樂固有節至於禮人

宗族兄弟朋友故舊

公侯伯子男孤卿大夫士及四方之使

饗食及燕亦有三焉饗則亨

太牢以飲賓凡設而不倚爵盈而不飲以訓恭儉

也食則饗禮之中舉樂以薦牲體燕則異於饗食

示以慈惠樂無筭也取驪而已爵無筭也取醉而

已然自入門以至就席賓主百拜徹幕猶拜賓醉

奏械樂以求終饗焉其節何如也卿大夫有王事

之勞特異常燕然朝服於寢不褻狎也若以樂納
賓則賓及庭奏肆夏賓拜酒主人答拜而樂闕公
拜受爵而奏肆夏公卒爵主人升受爵以下而樂
闕升歌鹿鳴下管新宮笙入三成遂合鄉樂若舞
則勺笙入三成不用小雅六笙詩凡笙詩有義無詞然魯叔孫婁聘宋為季孫逆女宋昭公餐
之賦新宮則有詞矣說者謂小雅逸篇子朱子於
斯干曰恐即此詩觀婦賦車輅答之則昭公似取
熊羆之義大射儀則又新宮卒管何耶鄉樂者風
也小雅為諸侯之樂大雅頌為天子之樂鄉飲酒
升歌小雅攬盛可以進取燕合鄉樂者禮輕可以
逮下也即二南六篇名房中之樂金奏既以鍾鐃
搏之鼓磬應之則房中之樂然不言無筭爵則其
用鐘磬矣勺舞合南籥也

節又何如也天子賞樂則諸侯不越鍾律

成王分康叔以

大呂唐叔
以姑洗
諸侯燕饗則大夫不越聲詩衛甯子來聘公與之

燕爲賦湛露及彤弓不辭又不答穆叔如晉晉侯
享之金奏肆夏之二不拜工歌文王之三又不拜

歌鹿鳴之三誠以禮達而分定歌正而樂備苟爲無

序焉能和哉燕樂終闌雅之亂大乃若夷樂勁急

鄭聲哇淫後世以之定雅樂可謂無節矣漢初安世之

易周房中樂其調皆楚聲高帝見巴渝舞曰此武
王伐紂歌也然周之曲調漢未猶存晉荀勗始除

鹿鳴四篇別製食舉歌於是周雅盡亡北魏以來
多用胡樂至隋取漢以來樂歌盡入清商曰此周

房中遺聲也蓋夷胡部也鄭志部也漢以俗樂定
雅樂隋唐悉以胡樂定雅樂其後漢清商亦亡

必去其聲之變歸諸中和雅淡房庶曰古樂與今

世質器與聲俱後世變馬金石鐘磬也易之以方
響然竹琴簫也易之以箏笛笙匏也攢之以木斗

頃土也。變而為既祝敵木也。貫之以板。凡此皆八音之變也。孔子曰：鄭聲淫。蓋其器之不合。若哉亦疾其聲之變耳。夫其德薄而歸之中。和雅正不曰治世之音乎。然則世所謂雅樂未必如古而敬坊所奏。豈盡洋洋聲哉。庶此言雖非窮本之論。亦頗知察也已。因古歌之遺法而求其大成。何氏瑋曰：詩言志。今俗樂詞曲各陳其曲。乃其遺法也。當歌之時。和以樂器之聲。與歌聲清濁高下相應。是謂聲依永。俗樂習曲。應以絲竹。乃其遺法也。此則小成矣。若奏泉音。清濁高下難得齊一。須律以齊之。如作黃鐘宮調。則衆音之聲皆用黃鐘為節。太簇商亦然。清濁高下自齊一。而不亂。是謂律和聲。俗樂以合四工尺等字為板眼。如作工字。則衆音皆以工為節。尺亦然。而後召簫不亂。乃其遺法也。八音克諧。則樂乃大成矣。音簫齊均。金石其節。具在。非簫齊金石十六聲。宮商濁林鍾。始羽大於宮。自南呂始徵。大於宮。入聲運轉。則徵羽亦清於角。周人用七律瑟鼓二十五絃。則

徵羽悉清其凡宮起調翕如皆角羽也商徵和之
簡不如清角凡宮起調翕如皆角羽也商徵和之
純且皦繹猶地在天中畢曲則角羽歸宮而徵羽
從焉猶天之圓也故曰天以清感地以濁通清濁
代興有始有終哀起清羽樂混大官歌則詠其詞
而以音播之舞則動其容而以曲隨之以定雅樂
以和神人步趨出入斯須不違則夷鄭之音無自
入矣樂以樂之禮以節之中平之氣自外感則純
和之志不內散此天子所以養德性而入聖域者
也周官大司樂掌成均之法而司徒之屬師氏勗
其德行保氏課其道藝諸子庶子世子之僚也掌

正舞位授舞器使國子修德學道祭祀燕饗常與
樂正聯事則承其教者洽於音音正則行正矣禮
樂接於身望其容而民不敢慢觀其色而民不敢
爭故禮樂者君子之深教也行禮合樂必於明堂
辟雍明堂者文王之宮也內有九室九嬪居之外
有九室九卿朝焉既遷于鎬則宗祀文王以
配上帝書曰王朝步自周則至于豐詩曰告于文
人即豐宮也豐水東注去鎬之陽三十里水中辟
雍大傳謂從舟入水鼓鼓亞之其樂曰辟雍以
舟張辟雍鵠鵠相從八風回回鳳凰皆昔辟雍以
養老而春合舞明堂以饗帝而秋合聲文之以采
章昭之以雅頌道其神氣養而成之迎其情性致
而明之含弘化光顯於聲儀而移風易俗得於觀

聽非獨百辟卿士而萬方絕域之君奉琛幣而至
者目聳踵德之容耳歆發德之歌莫不心充至德
欣謹以歸化行於裨海之外而慕義景附率聖澤
於無窮此大道之隆也然則成均之法凡爲天下
國家者豈可一日無哉